



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

3. Iosephi Patriarchæ & Saulis regis Fortuna à Deo gubernata.

urn:nbn:de:hbz:466:1-45653

pissime autem nostram puniente impietatem. Quid *Fortunam*, in ius vocant, quæ culpa caret? quid de *Casibus* queruntur, qui humani sunt, & fiunt, sicuti fieri solent; imho sèpe etiam, sicut fieri debent? Quid *Fatum* odiosum esse dicunt, quod eorum delicta non præcedit, sed sequitur? Fortasse enim infelices esse meruerunt? atit, si dispositio illa seriæsque caussarum, absque eorum peccato, miserias illis aduexit; non aduexit, vt fierent impatientes, sed vt occasionem haberent virtutis exercendæ. Itaque cum talia incident, summi Gubernatoris laudent bonitatem, qui eos aduersis *Casibus* vult erudire, vt Hèrcules, aut potius Iobi & heroës patientia clarifiant; aut, ne nimium secundis rebus se se efferant atque insolecant. In hunc finem *Fortuna* est

Horat. I.c.

35.

*Prasens vel imo tollere de gradu**Mortale corpus, vel superbos**Vertere funeribus triumphos.*

Luc. I. 52.

Psal. 99. 6.

III.

Iac. Salian.
Año Mundi
2316. & An.
2317.

Quid ais, Poëta? non *Fortuna*, aut *Antij Diua*, sed Deus est, qui superbis resistit, eosque, cum merentur, deiicit; humilibus autem dat gratiam. Ille est, qui, ab initio, deposit potentes de sede, & exaltavit humiles. Non *Casus* id fecit, sed Deus, per *Casum*. Quare qui *Casum* accusant, mordent, lacerant, cani sunt similés, lapidem. inuidenti, cum non videt eum, qui proiecit. Itaque si *Casus* in pœnam est, iudici ascribite; si in gratiam, ascribite benefactori, & exclamate: *Commoueatur à facie eius uniuersa terra: dicate in gentibus, quia Dominus regnauit.*

Vultis videre regnum eius? Ut olim, per ipsum mare, duxit Israélitas in terram sanctam; ita quotidie adhuc homines, per medios fluctus, per tumentes procellas, per brevia & Syrites; per prosperos & aduersos casus, ducit ad portum æternæ felicitatis. Nunquid enim innocentissimum Iosephum, per inuidiam, per odio, per coniurationem insidiásque, & immites fratrum manus, per cisternam, per seruitutem, in quam, pro mancípio venditus est; per impurissimæ lenæ & leænæ calumniam, per diuturnum carcerem (nám tribus annis in custodia fuit detentus) denique, per ingratissimi pincernæ obliuionem, vexatum, probatumque duxit? Et quò, per tot casus, duxit? ad summum penè culmen dignitatis. Nam fratrum terror, patris nutritor, Ägypti Seruator, regi proximus fuit. Ita, de mala *Fortuna*, in bonam translatuſ docuit nos, diuinæ Prudentiæ bonitatem, etiam in tristissimiſ Casis.

Casibus non defuisse. Quò celsiùs turris educenda est, eò profundiaria necessaria sunt fundamēta. Extollere Iosephum voluit Deus; vt in altum efferret, profundè humiliauit. Magis splendent, quæ magis poliuntur. Quid quòd ea sunt Numinis iudicia, vt voluerit illos ipsos fratres, per eum viuere, qui ei mortem sunt machinati: *Misit ante eos virum: in feruum venundatus est Ioseph. Humiliaverunt, in compedibus, pedes eius: ferrum pertransit animam eius,* Ps. 104.17: donec veniret verbum eius. Non ergo impatiens, non pusillanimis factus est, in vinculis, Ioseph, non accusauit fortunam suam, non cogitauit de laquo; &c, quod admirandum est patientiæ exemplum, cum pincernæ diceret: *innocens in lacum missus sum, non addidit, cuius id culpā, aut calumnia sit factum, neque impiam moecham voluit diffamare;* sed cetera Deo committens, generosamente, expectauit, donec veniret verbum eius, fieretque, quod ei Dominus, per manipulos & stellas eum adorantes, prædixerat. Itaq; eloquium Domini inflammatum est eum, vt spe inflammatus, neque Fortunam suam ex impatientia; neq; Deum suum, ex ignorantia, accusaret. Quare tandem, constituto tempore à temporis authore, misit rex, & soluit eum, princeps populorum, & dimisit eum. Constituit eum Dominum domus sue: & Principem omnis possessionis sue. Quis hoc fecit? Deus fecit, per varios casus fecit. deniq; per somnum Pharaonis fecit. Non liberauit illum carcere pater, qui existimabat mortuum: non fratres, qui de eo nihil amplius cogitauerunt, non pincerna ingratus, qui, plus quam duobus annis, tam boni vatis immemor fuit. Quid facit Deus? somnium mittit regi. nemo intelligit. septem boues pingues & septem macilenta, pincernæ memoriam refrierunt, & Iosephum extraxerunt è carceris squalore; maiorēmque fecerunt, quam domi, apud parentes, vñquam extitisset. Hæ sunt viæ Domini. Quas qui non nouit, à Domino esse, nequaquam potest esse sorte sua contentus; qui autem perspectas habet, *Casum non tam Casum, quam diuinum consilium* appellat. Quale vtique fuit etiam illud, cum Saul amissas asinas quærens regnum inuenit. Misit eum Cis pater, vt iumenta reduceret; at Deus misit, vt in regem vngeneretur. Hic *casus*, Sauli accedit, qui vtiq; nesciuit, simul quæri asinas & coronas: atqui Deo *casus* non fuit, qui illi vnam viam ad vtrumque fecit. Age igitur, quò nos *Casus* trahunt retrahūntque sequamur...

Quidquid erit, superanda omnis Fortuna ferendo est. Virg. §. M̄n.

G g 2 Sed